

Član 8.

Dobavljač se obavezuje da će u slučaju raskida ovog Ugovora po bilo kojem osnovu poduzeti sve potrebne radnje radi prenosa podataka na hard disk, CD-e ili drugi elektronski oblik po zahtjevu Korisnika usluge.

PRELAZNE I ZAVRŠNE ODREDBE

Član 9.

Poslovnu tajnu Ugovornih strana, u smislu ovog Ugovora, predstavljaju isprave i podaci čije bi davanje neovlaštenom licu štetilo interesima i poslovnom ugledu bilo koje od Ugovornih strana.

Ugovorne strane su saglasne da ovaj Ugovor (sa svim elementima), kao i njegovi prilozi, izmjene, dopune, aneksi i kompletna prepiska vezana za zaključenje i izvršenje ovog Ugovora imaju tretman poslovne tajne i da neće ni jednim svojim postupkom učiniti da podaci dođu do neovlaštenih lica.

Ugovorne strane se uzajamno obavezuju da čuvaju poslovne tajne druge ugovorne strane koje im budu povjerene, i koje na bilo koji drugi način saznaju u izvršavanju prava i obaveza predviđenih ovim Ugovorom, njegovim priložima, izmjenama, dopunama i aneksima, kao i podatke do kojih dođu službenom prepiskom.

Ugovorne strane su saglasne da sve međusobno pribavljene podatke i informacije u toku realizacije ovog Ugovora čuvaju kao poslovnu tajnu u mjeri i na način na koji se odnose prema zaštiti vlastitih povjerljivih podataka i informacija, tako da ni jedan podatak ni informaciju neće koristiti ni u jednu drugu svrhu, osim u svrhu zaključenja i realizacije ovog Ugovora, te da takve podatke neće učiniti na bilo koji način dostupnim ni jednom trećem licu, a u smislu zakona i akata ugovornih strana.

Ovaj Ugovor, njegovi prilozi, izmjene, dopune i aneksi, kao i službena prepiska moraju se čuvati na način koji garantira sigurnost tih podataka i sa njima mogu biti upoznata samo lica koja rade na izvršavanju aktivnosti definiranih Ugovorom i njegovim priložima.

Ugovorne strane su obavezne da odmah jedna drugu obavijeste u slučaju interesiranja trećih lica za podatke iz Ugovora, kao i o eventualnom nestanku Ugovora ili drugih dokumenata u vezi sa njim.

Ukoliko bi odavanjem poslovne tajne druge ugovorne strane, jedna od ugovornih strana drugoj prouzročila materijalnu ili nematerijalnu štetu, obavezuje se da tu štetu i nadoknadi.

Član 10.

Sva instalirana infrastruktura od strane Dobavljača, neophodna za realizaciju USLUGE, predstavlja trajno vlasništvo Dobavljača, osim podataka KORISNIKA, a KORISNIK ima pravo korištenja iste za vrijeme trajanja ovog Ugovora.

Član 11.

Nijedna odredba Ugovora samostalno ili zajedno sa drugim odredbama ili Ugovor u cjelini ne znače i ne mogu se primjenjivati ni tumačiti kao bilo kakav oblik ili kao bilo koja vrsta zajedničkog subjektiviteta Ugovornih strana.

Ugovor ne daje pravo ni jednoj od Ugovornih strana da koristi znak, logo ili bilo koju drugu oznaku identiteta druge Ugovorne strane.